

醫學啓蒙彙編

卷之六

叙

夫本草之名尚已古聖人愛民深憂民切故羲皇有八卦之畫炎帝爲百草之嘗畫卦以示趨吉避凶嘗華以使繕生救死蓋自有易以後卽有此書誠謂民行民生均重於世而當務爲急故萬政未遑而藐焉一草一木之是求也不然豈不知自暇自逸而甘以區區腑臟嘗試於剛柔升伏百千萬變之中及乎軒岐君臣論斷又使藥能合經而經能承藥歷唐虞降周秦漢末存者猶三百六十餘種耳陶蘓李韓諸賢

相繼增益唐慎微於圖經外旁摭遠引而再益其品
蓋至千五百餘種蔚于富矣然品類旣繁名稱或雜
宋人表章尤多舛者潔古三老相傳止論百味丹浮
發明衍義僅二百條他則因仍舊本焉楚醫李公憂
之爲是刪複補遺又益三百七十四種分爲十有六
部蓋集諸家之大成哉汪王徐陳救荒食鑑悉未及
也或者謂天之愛人深矣人之生齒日繁物之化育
亦盛人之情識日廣物之變態亦多物之生也若有
待人之用也若有期則取之易得不博平者不可爲

毒溫者不可爲寒辛者不可爲苦而平毒溫寒辛苦
之中微者不可爲甚重者不可爲輕也一物而根株
異宜一形而補瀉殊性而至於名與寔滑如荀書之
悞讀呂覽之悞註蹲鴟悞稱苦彌悞索者不可勝數
也則辨之又烏得不詳故物雖有名用寔未著若蔞
藪蛄蜚不錄可也其他草根樹皮岐行喙息以至土
苴芻狗之類秉命雖微效用則大既有明驗可厭其
多哉况漆葉青麩魯益礬阿之壽柔湯火齊竝愈齊
臣之疾昔之名者今已非今之實者可終棄耶嘗讀

東陽記有虎九療心疾之徵叔微書有獼瓜治肺重
之技道元述解毒之草名曰牧靡邵公著救饑之糧
稱爲石穀諸如此類猶恨其弗該而烏可以米塩視
之愚則謂惟人五臟病止七情卽古之聖儒處齊不過
數種芫華一撮半夏數丸已足取效而何取紛紛之
爲故得其精者可以保身可以全生可以養親可以
濟世庶幾神農氏之風乎聊以是集續本草所從來
永藥性於奕葉爾七十六歲老人翟良謹述

醫學啓蒙彙編目錄

神農本經名例

珍珠囊賦

諸品藥性陰陽論

用藥法象

藥用根梢身例

藥味專精

升降浮沉補瀉

升降浮沉

升降天地之氣交

泡炙制度

藥木五味

引經報使

六陳

十八反

十九畏

妊娠禁忌

釋疑

醫學啓蒙彙編卷之六

神農本經名例

上藥一百二十種爲君主養命以應天無毒多服久
服不傷人欲輕身益氣不老延年者本上經中藥一
百二十種爲臣主養性以應人無毒有毒斟酌其宜
欲遏病補虛羸者本中經下藥一百二十五種爲佐
使主治病以應地多毒不可久服欲除寒熱邪氣破
積聚愈疾者本下經三品合三百六十五種法三百
六十五度一度應一日以成一歲別錄倍其數合七

百三十名也陶弘景曰今按上品藥性亦能遣疾但勢力和厚不爲速效歲月常服必獲大益病旣愈矣命亦兼申天道仁育故曰應天一百二十種者當謂寅卯辰巳之月法萬物生榮時也中品藥性療病之辭漸深輕身之說稍薄祛患爲速延齡爲緩人懷性情故曰應人一百二十種當謂午未申酉之月法萬物成熟時也下品藥性專主攻擊毒烈之氣傾損中和不可常服疾愈卽止地躰收殺故曰應地一百二十五種當謂戌亥子丑之月法萬物枯藏時也兼以

出之盈數焉若單服或配缺自隨人忠恭而行之不
必偏執也

珍珠囊賦

寒性

諸藥識性此類最寒犀角解乎心熱羚羊清乎肺肝
澤瀉利水通淋而補陰不足海藻散癭破氣而治疝
何難聞知菊花能明目而清頭風射干療咽閉而消
壅毒薏苡理脚氣而除風濕藕節消瘀血而止吐衄
括蒬仁下氣潤肺喘兮又且寬中車前子止泄利小
便兮尤能明目是以藥瘡用堯鈴嗽醫地骨皮有退
熱除蒸之效薄荷葉宣消風清腫之施寬中下氣枳

壳緩而枳實速也療肌解表乾葛先而柴胡次之百
部治肺熱咳嗽可止梔子涼心胸鼻衄最宜懸參治
結熱毒壅清利咽膈升麻消風熱腫毒發散瘡瘍嘗
聞膩粉抑肺而歛肛門金箔鎮心而安魂魄茵陳主
黃疸而利水瞿麥治熱淋之有血朴硝通大腸破血
而療痰癖石膏墜頭疼解肌而消煩渴前胡除內外
之熱痰滑石利六腑之澀結天門冬止嗽補虛冷而
潤肺燥麥門冬清心解煩渴而除肺熱又聞治虛煩
除噦嘔須用竹茹通秘結導瘀血必資大黃宜黃連

治冷熱之痢又厚腸胃而止泄瀉羊藿療風寒之痺
且補陰虛而助陽茅根止血與吐衄石韋通淋利小
腸熟地黄補血且療虛損生地黄涼血更醫眼瘡赤
芍藥破血而療腹疼煩熱亦解白芍藥補虛而生新
血退熱尤良若乃消腫滿逐水氣宜用牽牛除毒熱
殺積虫必需貫衆金鈴子治疝氣而補精血萱草根
治五淋而消乳腫側柏葉治崩漏之疾香附子理血
氣用之地膚子利膀胱可洗皮膚之風山豆根解熱毒
能止咽喉之痛白蘚皮去風治筋弱而療足頑痺旋

覆花明目治頭痛而消痰嗽壅又荊芥穗清頭目便

血疎風散瘡之用瓜蒌根療黃疸毒壅消渴解痰之

憂地榆療崩漏止血止痢昆布破疝氣散癭散瘤療

傷寒解虛煩淡竹葉之功倍除結氣破瘀血牡丹皮

之用同知母止嗽而骨蒸退牡蠣澁精而虛汗收貝

母消痰止咳嗽而利心肺桔梗下氣利胸膈而治咽

喉若夫黃芩治諸熱兼主五淋槐花治腸風亦痊痔

痢常山理痰結而除溫瘧葶藶瀉肺喘而通水氣此

六十六種寒性之藥考圖經以博其所製觀方書以

參其所用其庶幾矣

衄音辱鼻出血也

熱性

藥有溫熱又當審詳欲溫中以革撥川發散以生姜

五味子止嗽痰且滋腎水

肺膈

療癆瘵更壯元陽原

夫川芎祛風濕補血清頭續斷治崩漏益筋強脚麻

黃表汗以療咳嗽韭子助陽而醫白濁川烏破積有

消痰治風痺之功天雄散寒去濕助精陽之藥觀夫

川椒達下乾姜暖中葫蘆巴治虛冷之疝氣生卷栢

破癥瘕而血通白朮消痰壅溫脾胃兼止吐瀉菖蒲

開心氣散冷結更治耳聾丁香快脾胃而止吐逆良
姜止心氣痛之攻衝肉荏蓉填精益腎石硫黃煖胃
驅重胡椒主去痰而除冷氣秦椒主攻痛而治邪風
吳萸療心腹之寒氣靈砂定心臟之怔忡大散腎冷
助脾胃瀉華澄茄療心疼破積聚用蓬萊木縮砂止吐
瀉安胎化酒食有準附子療虛寒翻胃壯元陽無疑
白荳蔻治冷瀉療壅止痛於乳香紅荳蔻止吐酸消
血殺虫於乾漆豈不知鹿茸生精血腰脊崩漏之均
補虎骨壯筋骨寒濕毒之風竝驅檀香定霍亂而心氣